

經

傳

釋

詞

經傳釋詞第九

高郵王引之

終 果

家大人曰終詞之既也傳二十四年左傳注日終猶已也己止之己日終因而已然之己亦日終故曰詞之既也詩終風日終風且暴毛傳日終日風爲終風韓詩曰終風西風也此皆緣詞生訓非經文本義終猶既也言既風且暴也箋曰既竟日風矣而又暴疾此因經文下有且字故增既字以成其義而不知經文之終卽既也爾雅曰南風謂之凱風東風謂之谷風北風謂之涼風西風謂之泰風箕輪謂之璣迴風爲飄以上六句通釋詩詞而不及終風又曰日出而風爲暴風而雨土爲霾陰而風爲噎以上三句專釋此詩而亦不

及終風則終爲語詞明矣下丈終 燕燕曰終溫且惠淑

風且霾終風且睦義並與此同 慎其身言既溫且惠也 正義曰終當顏色溫 北門曰終

寔且貧莫知我艱言既寔且貧也 箋曰君於己祿薄終

於財失之 伐木曰神之聽之終和且平言既和且平也 那曰

且平是也箋曰神若聽之使得如甫田曰禾易長畝終

善且有言既善且有也 正義曰終至成善 正月曰終其

永懷又寔陰雨言既長憂傷又仍陰雨也 箋曰終王之

憂傷矣又將仍 終與既同義故或上言終而下言且或

上言終而下言又說者皆以終爲終竟之終而經文上

下相因之指遂不可尋矣又葛藟曰終遠兄弟謂他人

父言既遠兄弟也

傳曰兄弟之道已相遠雙曰今已遠棄族親已亦既也正義曰王終是遠

於兄弟失傳

鄭揚之水曰終鮮兄弟維子與女言既鮮

兄弟也

箋曰後竟寡於兄弟之恩訓終爲竟失之

定之方中曰卜云其吉終

然允臧然猶而也

見然字下

言既而允臧也

此言文公既遷而得吉信如卜

所云也終然猶既而也列女傳節義傳曰咎吾先君莊王淫樂三年不聽政事終而能改卒霸天下言既而能改也正義曰終然信善非直當今而已則誤以終爲終竟之終矣說者以終爲終竟亦

失之引之謹案載馳曰許人尤之眾穉且狂眾讀爲終

古字多借眾爲終史記五帝紀怙終賊刑徐廣曰終一作眾詩振鸞以永終舉後漢書崔駰傳終作眾韓策臣使人刺之終莫能就終既也穉驕也管子重令篇工以史記刺客傳終作眾此承上文而言女子善懷亦

知章注穉驕也莊子列禦寇篇以其十乘驕釋莊子

各有道是我之欲歸未必非也而許人偏見輒以相尤則既驕且妄矣蓋自以爲是驕也以是爲非妄也毛公不知衆之爲終而云是乃衆幼穉且狂許之大夫豈必人人皆幼邪

誰

說文曰誰何也常語

爾雅曰誰咎咎也郭注曰誰發語辭詩墓門曰知而不已誰咎然矣鄭箋用爾雅邵氏二雲爾雅正義曰釋詁云疇誰也誰疇一聲之轉詩言誰咎猶檀弓言疇咎之夜也故爲發語辭

孰

爾雅曰孰誰也常語

孰猶何也家大人曰孰誰一聲之轉誰訓爲何故孰亦

訓爲何晉語曰惠公出其世子而改葬之臭達於外國

人誦之曰孰是人斯而有是臭也孰何也斯詞也言何

是人而有是臭也

韋注孰誰也斯世子也誰使是人有是臭者言惠公使之也於傳意不

合越語曰孰是君也而可無外乎言有君如是何可不

爲之外也

韋注孰誰也誰有恩惠如是君者可不爲之外乎亦未合昭二十五年公

羊傳曰孰君而無稱言何君而無稱也論語八佾篇曰

是可忍也孰不可忍也楚辭九章曰孰兩東門之可蕪

呂氏春秋知接篇曰孰之壤壤也可以爲之莽莽也

兩

字皆訓爲是

孰字竝與何同義又大戴禮曾子制言篇曰則

雖女親庸孰能親女乎庸孰皆何也

盧辯注庸用也孰誰也皆失之互見

庸字下

連言庸孰者古人恆有複語若莊子言庸詎矣又

書傳中言孰與者皆謂何如也廣雅曰與如也秦策曰

秦昭王謂左右曰今日韓魏孰與始強對曰弗如也王

曰今之如耳魏齊孰與孟嘗苾而之賢對曰弗如也齊

策曰田侯召大臣而謀曰救趙孰與勿救趙策曰趙王

與樓緩計之曰與秦城何如不與

今本不與下衍何如二字辯見讀書雜誌

是孰與卽何如也故漢書司馬相如傳楚王之獵孰與

寡人史記作何與寡人

者 諸

說文者別事詞也或指其事或指其物或指其人或言

者或言也者

禮記檀弓魯人有周豐也者

皆常語也又爲起下之詞

或上言者而下言也或上言也者而下言也

易繫辭傳負也者小

人之事也乘也者君子之器也

亦常語也字或作諸禮記郊特牲曰不

知神之所在於彼乎於此乎或諸遠人乎或諸卽或者

僖九年左傳曰以是藐諸孤藐小也

見廣雅

藐諸卽藐者

藐者孤猶言羸者陽耳

杜以藐爲縣藐諸爲諸子非是辨見經義述聞

爾雅釋

魚龜俯者靈仰者謝前弁諸

句

果後弁諸

句

獵諸亦者

字

者猶也也禮記射義射之爲言者釋也猶曰射之爲言也釋也鄭語公曰周其弊乎對曰始於必弊者言始於必弊也又書傳中凡言何者者並與何也同義論語陽貨篇惡紫之奪朱也惡鄭聲之亂雅樂也惡利口之覆邦家者與也亦同義故皇侃本作惡利口之覆邦家也

諸

士昏禮記注曰諸之也常誼

鄉射禮注曰諸於也亦常誼

小爾雅曰諸乎也詩日月日居月諸照臨下土毛傳
日日乎月乎照臨之也禮記祭義曰齊齊乎其敬也愉
愉乎其忠也勿勿諸其欲其饗之也又曰孝弟發諸朝
廷行乎道路至乎州巷放乎獫狁修乎軍旅諸亦乎也
互文耳故祭義勿勿諸其欲其饗之也禮器諸作乎樂
記理發諸外祭義諸作乎

諸之乎也急言之曰諸徐言之曰之乎禮記檀弓曰吾

惡乎哭諸又曰書云高宗三年不言言乃謹有諸

凡言有諸

者故文王世子曰君王其終撫諸僖二十三年左傳曰

天其或者將建諸論語雍也篇曰山川其舍諸此皆之

乎二字之合聲

諸語助也文五年左傳舉陶庭堅不祀忽諸服注曰諸

辭

見詩邶柏舟正義

之

之言之間也若在河之洲之屬是也常語也

之指事之詞也若左右流之之屬是也亦常語

之是也故爾雅曰之子者是子也亦常語

之猶諸也諸之一聲之轉禮記少儀曰僕者負良綏申

之面拖諸髀孟子滕文公篇曰禹疏九河淪濟潔而注

諸海決汝漢排淮泗而注之江之亦諸也互文耳故詩

伐檀篇寘之河之側兮漢書地理志寘之作寘諸襄二
十六年左傳棄諸堤下五行志棄諸作棄之

之猶於也諸之一聲之轉諸訓爲於故之亦訓爲於禮
記檀弓曰之歿而致歿之不仁之歿而致生之不知言
於歿而致歿之則不仁於歿而致生之則不知也鄭訓
之爲往失之大學曰人之其所親愛而辟焉言於其所
親愛而辟也鄭訓之爲適亦失之大戴禮事父母篇曰
養之內不養於外則是越之也養之外不養於內則是
疏之也之亦於也互文耳

呂氏春秋音初篇注曰之其也書西伯戡黎曰殷之卽

喪言殷其卽也

微子曰今殷其淪喪

詩旄邱曰旄邱之葛兮何

誕之節兮上之字句中語助也下之字則訓爲其言旄

邱之葛何疏闊其節而不相附

毛傳箋闕也

以喻衛之諸臣

何多日而不相救也碩鼠曰樂郊樂郊誰之永號言樂

郊之民誰其悲歎而長號者明皆喜樂也

箋訓之爲禮往失之

記檀弓曰公再拜稽首請於尸曰有臣桡莊也者非寡

人之臣社稷之臣也聞之歎請往言聞其歎也郊特性

曰天子樹瓜華不斂藏之種也言天子但樹瓜華以供

會而已不收斂其種以與民爭利也

正義曰不收斂久藏之種失之昭

十六年左傳曰斬之蓬蒿藜藿而共處之言斬其蓬蒿

藜藿也。莊子至樂篇曰：壽者惜惜，久憂不歎，何之苦也。言何其苦也。荀子玉制篇曰：之所以接下之人百姓者，之所以其所以也。詩采芣曰：之子于狩，言韞其弓，之子于釣，言綸之繩，之亦其也。互文耳。一切經音義一引易注曰：綸，經理也。綸之繩也。故孟子公孫丑篇：天下之民皆悅而願爲之氓，可訓爲之，互見其字下。

之猶若也。書般庚曰：邦之臧，惟女眾，邦之不臧，惟予一人有佚罰。言邦若臧，邦若不臧也。牧誓曰：牝雞之晨，惟家之索。言牝雞若晨也。洪範曰：臣之有作福作威，玉會。

其害于而家，凶于而國。言臣若有作福作威，玉會也。金
賂曰爾之許我，我其以璧與珪歸。俟爾命言爾若許我，
也。又曰我之弗辟，我無以告我先王。言我若弗辟也。僖
三十三年左傳曰：寡君之以爲戮，死且不朽。若從君惠
而免之，三年將拜君賜。宣十二年傳曰：楚之無惡，除備
而盟，何損於好？若以惡來，有備不敗。成二年傳曰：大夫
之詐，寡人之願也。若其不許，亦將見也。皆上言之而下
言若之，亦若也。互文耳。荀子正名篇曰：假之有人欲南
而惡北，性惡篤曰假之有弟兄資財而分者，假之，皆謂
假若也。

之猶則也僖九年左傳曰東略之不知西則否矣晉語曰華則榮矣實之不知之亦則也互文耳

之猶與也書立政曰文王罔攸兼于庶獄惟庶慎惟

有司之牧夫又曰其勿誤于庶獄惟有司之牧夫皆謂

有司與牧夫也某氏傳曰惟慎擇有司牧夫而已考工記梓人曰必澆

其爪出其目作其鱗之而謂作其鱗與而也而頰毛也

鄭注之而頰頰也以之而二字連讀失之辯見經義述聞禮記月令曰天子親載耒

耜耨之于參係介之御閒謂係介與御者之閒也鄭注係介

車右也置耒於車右與御者之閒與字正釋之字段氏若庸禮記校本謂之御當爲御之非也辯見經義述聞

文十一年左傳皇父之二子夙夷二子者公子穀甥司

寇牛父也言皇父與此二子皆外也

賈注曰皇父與穀甥牛父三子皆外

杜注

成十六年傳潘尫之黨襄二十三年傳申鮮虞之

傅摯謂潘尫與黨申鮮虞與傅摯也

之猶兮也昭二十五年左傳曰鷩之鴇之公出辱之三
之字竝與兮同義

之語助也詩君子偕老曰玼兮玼兮其之翟也其之翟
其翟也之語助耳蓼莪曰鮮民之生不如夙之久矣言
不如夙久矣也禮記射義公岡之裘鄭注曰之發聲也
僖二十四年左傳介之推杜注曰之語助凡春秋人名
中有之字者皆放此

斲

斲之也。斲也。詩陟岵曰：上慎旃哉。毛傳曰：斲之也。采苓曰：舍旃。舍旃，箋曰：斲之言斲也。舍之，斲舍之。斲之，斲之。斲聲相轉。斲，斲聲相近。斲又爲之。斲之，合聲。

是氏

廣雅曰：是，此也。常語。

是猶於是也。書禹貢曰：桑土既蠶。是降邱宅土。言於是降邱宅土也。詩葛覃曰：是刈是漉。正義曰：於是刈取之。於是漉煮之。

是猶寔也。詩幽宮曰：是生后稷。言姜嫄寔生后稷也。字

或作氏大戴禮帝繫篇曰黃帝娶于西陵氏之子謂之
嫫祖句氏產青陽及昌意言寔生青陽及昌意也禮記
曲禮曰五官之長曰伯是職方言寔主東西二方之事
也論語季氏篇曰求無乃爾是過與言爾寔過也寔字
亦作實僖五年左傳鬼神非人實親惟德是依實亦是
也互文耳是訓爲寔故寔亦訓爲是見寔字下

是猶之也詩氓曰反是不思亦已焉哉言反之不思也
大戴禮文王官人篇曰平人而有慮者使是治國家而
長百姓使是使之也襄十四年左傳曰晉國之命未是
有也言未之有也是訓爲之故之亦訓爲是互見之字

下

是猶祇也論語爲政篇曰今之孝者是謂能養言祇謂能養也是與祇同義故薛綜注東京賦曰祇是也

是猶則也大戴禮王言篇教定是正矣家語作正教定則本正矣鄭語曰若更君而周訓之是易取也韋注曰更以君道導之則易取

是猶夫也禮記三年問曰今是大鳥獸荀子禮論篇今是作今夫荀子宥坐篇曰今夫世之陵遲亦久矣韓詩外傳今夫作今是墨子天志篇曰今是楚王會於苑之四境之內故愛楚之人荀子榮辱篇曰今是人之口腹

富國篇曰今是土之生五穀也竝與今夫同義孟子公孫丑篇曰子豈若是小丈夫然哉是小丈夫夫小丈夫也是訓爲夫故夫亦訓爲是互見夫字下是故是以皆承上起下之詞常語也

時

爾雅曰時是也書堯典曰黎民於變時雍

寔實

爾雅曰寔是也

詩小星傳同

春秋桓六年寔來公羊傳曰寔

來者何猶曰是人來也熱梁傳曰寔來者是來也寔與是同義故秦誓是能容之大學是作寔經傳作實者僞

字耳易既濟九五實受其福坊記實作寔詩小星篇寔命不同韓詩寔作實燕燕篇實勞我心實本亦作寔韓奕篇實嬭實整實歎實藉鄭箋實當作寔趙魏之東實寔同聲寔是也觀禮伯父實來鄭注今文實作寔皆當以寔爲正

去實爲借字

只 旨 咫 軹

說文只語已詞也詩燕燕曰仲氏任只鄘柏舟曰母也

天只不諒人只

毛傳母也天也尙不信我

字亦作軹莊子大宗師篇

只而奚來爲軹

崔謨注軹辭也

楚辭大招句末皆用只字

只亦句中語助也詩樛木及南山有臺采芣苢曰樂只

君子北風曰既亟只且君子陽陽曰其樂只且字亦作

旨左傳襄十一年二十四年及昭十三年引詩竝作樂

旨君子

只詞之耳也。襄二十七年左傳曰：諸侯歸晉之德。只杜

只非歸其尸盟也。只猶耳也。晉語曰：文公學讀書於曰

季三日曰：吾不能行咫，句聞則多矣。咫與只同。言吾但

不能行耳。所聞則已多矣。韋注：咫，咫只闕失之。又案今本不能行下有也字。後人妄

加之也。行下有也字。則咫字當下屬爲句。韋解咫字亦當在句末矣。今注在咫字下。故知咫字上屬爲句而行

下本無也字也。今刪去也字。楚語曰：是知天咫。安知民則咫。亦與只

同。韋注：咫，言少也。此言少知天道耳。何知治民之法，失之。

咫詞之則也。賈子淮難篇曰：陛下於淮南王不可謂薄

矣。然而淮南王天子之法，句咫蹂促而弗用也。皇帝之

令句。咫尺傾而不行也。又曰：陛下無負也。如是句。咫尺淮南王罪人之身也。淮南王子罪人之子也。又曰：是立咫尺沾衿臥咫尺泣交頰。以上諸咫尺字並與則同義。故連語篇墻薄咫尺亟壞。繒薄咫尺亟裂。器薄咫尺亟毀。酒薄咫尺亟酸。新序雜事篇咫尺並作則。

音施智
反 翅 適

說文：啻，語時不啻也。一切經音義卷三引蒼頡篇曰：不啻多也。書多士曰：爾不啻不有爾土。無逸曰：不啻不敢。含怒。秦誓曰：不啻如自其口出。多士釋文曰：啻，徐本作翅。孟子告子篇曰：取食之重者與禮之輕者而比之，奚

翅會垂莊子大宗師篇曰陰陽於人不翅於父母翅並與啻同字亦作適家大人曰說文適從彳啻聲適啻聲相近故古字或以適爲啻秦策曰疑臣者不適三人不適與不啻同故高注讀適爲翅史記甘茂傳作疑臣者非特三人非特猶不啻也孟子告子篇曰飲會之人無有失也則口腹豈適爲尺寸之膚哉適亦與啻同故趙注曰口腹豈但爲肥長尺寸之膚邪但字正釋適字而孫宗古不爲適字作音蓋己不知其爲啻之借字矣又曰莊子胠篋篇跖之徒問於跖曰盜亦有道乎跖曰何適而無有道邪夫妄意室中之藏聖也入先勇也出後

義也。知可否知也。分均仁也。案何適而無有道邪。本作
何適。其有道邪。適與啻同。言豈但有道而已哉。乃聖勇
義知仁五者皆備也。後人不知適與啻同。而誤讀爲適
齊適。楚之適。因妄改之耳。淮南道應篇作奚適。其無道
也。無字亦後人所改。呂氏春秋當務篇作奚啻。其有道
也。魯語奚啻其聞之也。句法正與此同。足正後人妄改之非。而陸氏莊子
釋文不爲適字作音。則所見本已非其舊矣。

祇多

詩我行其野。曰成不以富。亦祇以異。毛傳曰。祇適也。常
語也。字或作多。襄二十九年左傳。祇見疏也。正義祇作

多云多見疏猶論語云多見其不知量也服虔本作祗見疏解云祗適也晉宋杜本皆作多古人多祗同音家大人曰襄十四年左傳荀偃曰吾令實過悔之何及多遺秦禽多讀爲祗祗適也言若不班師則適爲秦所禽獲而已杜注曰恐多爲秦所禽獲非也又昭二十五年公羊傳子家駒曰季氏得民眾久矣君無多辱賈多亦讀爲祗言君無適自取辱也昭二十九年左傳曰君祗辱賈是也釋文多字無音蓋不知爲祗之儭字引之謹案定十五年左傳存亾有命事楚何爲多取費賈多亦讀爲祗言事楚則適自取貢獻之費也昭十三年傳曰

祇取辱曷二十六年傳曰祇取誣曷定四年傳曰祇取
勤曷哀十四年傳曰祇取外曷文義正相合也哀八年
傳不足以害吳而多殺國士不如己也多亦讀爲祇言
不足以害吳人而適傷魯之國士也僖十五年傳曰晉
未可滅而殺其君祇以成惡哀十三年傳曰無損於魯
而祇爲名文義正相合也釋文多字無音皆失之

適

適謂適然也詩伐木曰寧適不來微我弗顧昭十七年
左傳曰鳳鳥適至是也

適猶是也荀子王霸篇孔子曰審吾所以適人句適人

之所以來我也。上適字訓爲往。下適字訓爲是。言我之
所以往。卽是人之所以來。不可不審也。呂氏春秋晉
篇曰。王子光見五子胥。而惡其貌。不聽其說。而辭之曰。
其貌適吾所甚惡也。言是吾所甚惡也。劉歆與楊雄書
曰。今聖朝畱心典誥。發精於殊語。欲以驗考四方之事。
適子雲攘意之秋也。言是子雲攘意之秋也。

適猶若也。韓子內儲說。鄭袖誡御者曰。王適有言。必亟
聽從。王言言。王若有言也。又曰。秦侏儒善於荆王。左右
荆適有謀。侏儒常先聞之。言荆若有謀也。外儲說右篇。
國羊謂鄭君曰。臣適不幸而有過。願君幸而告之言。臣

若不幸而有過也

識

識猶適也。家大人曰：成十六年左傳，識見不穀而趨，無乃傷乎。言適見不穀而趨也。晉語作屬，見不穀而下，韋注曰：屬，適也。適與識之同訓，猶適與直之同訓也。孟子告子篇曰：口腹豈適爲尺寸之膚哉。言豈直爲尺寸之膚也。直如直不百步耳之直。識直二字於古音屬職部，適於古音屬錫部，適之爲識，猶適之爲直也。識與適同義而不同音。九經古義謂識當爲適非也。

屬
音燭

屬適也。成二年左傳曰：下臣不幸，屬當戎行。杜注曰：屬適也。昭四年傳曰：屬有宗祧之事於武城。魯語曰：吾屬欲美之。韋注亦曰：屬適也。

屬猶今人言適纔也。晉語曰：屬見不穀而下，無乃傷乎。韋注曰：屬適也。史記西侯世家曰：天下屬安定，何故反乎。

屬猶祇也。昭二十八年左傳及晉語並云：願以小人之腹爲君子之心。屬厭而已。言祇取厭足而已也。韋注曰：屬適也。適小飽足，則自節止。近之杜以屬爲足，古無此訓非也。

止

詩草蟲曰亦既見止亦既覯止毛傳曰止辭也

所

所者指事之詞若視其所以觀其所由之屬是也常語也

所猶可也晏子春秋雜篇曰聖人非所與嬉也非猶不也言聖人不可與戲也墨子天志篇曰今人處若家得罪將猶有異家所以避逃之者矣今人處若國得罪將猶有異國所以避逃之者矣今人皆處天下而事天得罪於天將無所以避逃之者矣所以可以也莊子知北

遊篇曰人倫雖難所以相齒言可以相齒也鹽鐵論未
通篇曰民不足於糟糠何橘柚之所厭言何橘柚之可
厭也史記淮陰侯傳曰非信無所與計事者言無可與
計事者也漢書所作可是其證矣所與可同義故或謂
可爲所或謂所爲可互見可字下

所猶若也或也書牧誓曰爾所弗勗其于爾躬有戮言
爾若弗勗也

史記周本紀集解引鄭注
曰所言且也義亦相近

詩牆有茨曰所

可道也言之醜也言若可道也倍二十四年左傳曰所
不與舅氏同心者有如白水言若不與舅氏同心也論
語雜也篇曰予所否者天厭之天厭之言子若否也又

宣十年左傳曰所有玉帛之使者則告不然則否言若有玉帛之使也孟子離婁篇曰上無道揆也下無法守也朝不信道工不信度君子犯義小人犯刑國之所存者幸也言國之或存者幸也。

所語助也書無逸曰烏呼君子所其無逸言君子其母

逸也君子謂人君也所語助耳

鄭注君子謂在官長者所猶處也皆失之禮

記檀弓曰君之臣免於罪則有先人之敝廬在君無所

辱命言君母辱命也

鄭注無所辱命辭不受也助成二所乃語助猶言君母辱命耳

年左傳曰能進不能退君無所辱命義與此同襄二十七年公羊傳曰無所用盟請使公子鱄約之言母用盟

也

何注無用爲盟

昭二十五年傳曰君無所辱大禮言君母辱

大禮也

矧

爾雅曰矧況也常語

矧猶亦也書康誥曰元惡大憝矧惟不孝不友言元惡大憝者亦惟此不孝不友之人又曰不率大戛矧惟外庶子訓人惟厥正人越小臣諸節乃別播敷造民大憝弗念弗庸瘝厥君言不率大戛者亦惟此瘝厥君之人下云亦惟君惟長文義正相近也君與曰百姓王人罔不秉德明恒小臣屏侯矧咸奔走言亦咸奔走也

矧猶又也大誥曰寧王惟卜用克綏受茲命今天其相
民矧亦惟十用言又亦惟卜用也酒誥曰女劓毖殷獻
臣侯甸男衛矧大史友內史友越獻臣百宗工矧惟爾
事服休服采矧惟若疇圻又薄違農父若係宏父定辟
矧女剛制于酒矧惟又惟也下云又惟殷之迪誥臣惟
工是也召誥曰今沖子嗣則無遺壽考曰其稽我古人
之德矧曰其有能稽謀自天言旣曰稽古人之德又曰
稽謀自天也以上二條皆非況之一訓所能該也

爽

爽發聲也書康誥曰爽惟民迪吉康又曰爽惟天其罰

極我皆是也某氏傳訓爽爲明則義不可通凡書言洪
惟爽惟不惟誕惟迪惟率惟皆詞也解者皆失之

庶

論語先進篇曰回也其庶乎易繫辭傳曰顏氏之子其
殆庶幾乎詩兔爰正義引易說爾雅曰庶幸也庶幾尙
也常語也

尙上

說文曰尙庶幾也字亦作上詩陟岵篇上慎旃哉漢石
經作尙

詩小弁箋曰尙猶也常語

說文曰尙曾也又曰曾詞之舒也

逝 噬

逝發聲也字或作噬詩日月日乃如之人兮逝不古處
言不古處也碩鼠曰逝將去女適彼樂土言將去女也
有杖之杜曰彼君子兮噬肯適我言肯適我也桑柔曰
誰能執熱逝不以濯言不以濯也逝皆發聲不爲義也
傳箋或訓爲遠或訓爲往或訓爲去皆於義未安

率

率用也詩思文曰貽我來牟帝命率育毛傳曰率用也
正義曰釋詁云率由自也由自俱訓爲用故率爲用也

案帝命率育謂天命用此來牟養萬民也箋曰家大人

日書堯典曰蠻夷率服率用也言爲政如此則蠻夷用

服也

某氏傳曰相率而來服失之

又曰於予擊石拊石百獸率舞率

用也百獸用舞猶上文言神人以和耳又臯陶謨曰於

予擊石拊石百獸率舞庶尹允諧下二句相對爲交率

與允皆用也

說見允字下鄭注曰百獸相率而舞衆正之官信得其諧和皆失之鄭注見周官大

司樂疏盤庚曰率籲衆戚出矢言率用也籲呼也戚貴戚

也矢誓也言民不肯遷盤庚用呼衆貴戚之臣出誓言

以曉喻之也

誓言猶諾言也爾雅詰誓謹也鄭注曰皆所以約勅謹戒衆是也某氏傳曰籲和也

率和衆憂之人出正直之言皆非是尚書後案已辯之

多士曰于惟率肆矜爾率

用也肆緩也言予惟用肆赦矜憐爾也君與曰予惟用

閔于天越民句法與此相似

傳曰我惟循殷故事憐愍汝失之辯見經義述聞

呂刑曰故乃明于刑之中率又于民棊彝率用也言能

明于刑之中正用治于民輔成常教也

傳曰循道以詩治於民失之

載見曰率見昭考以孝以享亦謂用見昭考也載見辟

王率見昭考皆指諸侯言之

箋曰伯率之見於武王廟增伯字以成其義失之

家大人曰率語助也文選江賦注引韓詩章句曰隸解

也聿與率聲近而義同書湯誓曰夏王率遏眾力率割

夏邑有眾率怠弗協

為注眾民相率怠墮不同失之見史記殷本紀集解

君與

曰率惟茲有陳係又有殷

陳道也言惟茲有道諸臣能係又有殷也率語助耳主肅

注曰循此數臣有陳列之功失之辨立政曰亦越武王

率惟救功不敢晉厥義德率惟謀從容德案救安也功

惟安其故事不敢廢文王之義德又惟謀從寬容之德

也兩率字皆語助某氏傳曰武王循惟文王撫安天下

之功循惟謀從文王逸周書祭公篇曰俾百僚乃心率

寬容之德皆失之孔晁注使百官相以上諸率字皆語助耳

輔弼予一人率輔弼我失之

解者皆失之

式

式語詞之用也詩斯干曰式相好矣是也常語也

式發聲也爾雅曰式微式微者微乎微者也詩式微箋

用爾雅云式發聲也

經傳釋詞第九

經傳釋詞第十

高郵王引之

彼

彼匪也。詩桑扈曰：彼交匪敖。襄二十七年左傳說此詩曰：匪交匪敖，福將焉往。成十四年引詩：彼交匪傲。漢書五行志作匪傲。匪傲采菽曰：彼交匪紆。荀子勸學篇引作匪交匪舒。是彼訓匪也。交讀爲姣。姣，侮也。匪交匪敖，匪交匪紆，皆謂不侮慢也。說者以彼爲彼此之彼，交爲交接之交，失之。詳見經義述聞。

末

末無也常語

末猶未也檀弓曰魯莊公及宋人戰于乘邱縣賁父御
卜國爲右馬驚敗績公隊佐車授綬公曰末之卜也未
猶未也之是也指御而言言倉卒出戰未卜戎御故不
得其人以致屢駕蓋以罪縣賁父也

末猶勿也禮記文王世子曰命膳宰曰末有原鄭注曰
末猶勿也勿有所再進

末發聲也哀十四年公羊傳曰其諸君子樂道堯舜之
道與末不亦樂乎堯舜之知君子也未蓋發聲末不亦
不亦也也猶邪也言不亦樂乎後世堯舜之知君子邪

下文制春秋之義以俟後聖以君子之爲亦有樂乎此也正申明此句之意

蔑

蔑無也常語

蔑猶不也成十六年左傳曰寧事齊楚有亾而已蔑從晉矣晉語曰吾有亾而已吾蔑從之矣言不從也

比

比皆也說文曰皆俱詞也從匕從白徐鍇曰比皆也孟子告子篇曰比天之所與我者先立乎其大者則其小者不能奪也家大人曰比猶皆也言耳目與心皆天之

所與我者而心爲大

趙注以比爲比方謂比方天所與人性情失之或改比爲此改趙注

比方爲此乃尤非

秦策曰頓足徒揚犯白刃蹈煨炭斷死於前

者比是也

鮑彪於比下增一比字曰比次也言如此者相欠不一非是

韓子初見秦

篇比作皆齊策曰中山再戰比勝言再戰皆勝也大戴禮保傅篇曰於是比選天下端士漢書賈誼傳比作皆

薄

薄發聲也詩葛覃曰薄汗我私薄濈我衣又芣苢曰薄言采之傳曰薄辭也時邁曰薄言震之韓詩薛君傳與

毛傳同

後漢書李固傳注引

每

每雖也爾雅曰每有雖也詩常棣曰每有良朋况也永
歎又曰雖有兄弟不如友生每有猶雖有耳箋曰雖有
善同門來茲對之長歎而已

不 丕 否

不弗也常語

玉篇曰不詞也經傳所用或作丕或作否其實一也有

發聲者有承上文者其發聲者書而伯戡黎曰我生不

有命在天

某氏傳曰我生有壽命在天蓋不為發聲不
有有也與他處不訓為弗者不同不有命在

天下不須加乎字以足之史記殷本
紀云我生不有命在天乎失之矣康誥曰惟乃丕顯
考文王丕顯考顯考也通作不顯毛詩曰不顯顯也酒
則上一字乃發聲箋解為豈不顯失其意矣

詰曰丕惟曰爾克永觀省

此與丕訓爲大者不同
解者多失之

又曰

女丕遠惟商考成人宅心知訓召詰曰其不能誠于小

民

丕詰詞其不能其能也
顧命曰其能而亂四方

又曰丕若有夏歷年洛詰曰

公稱丕顯德

丕顯德顯德也
丕詰詞

多士曰丕靈承帝事

丕詰詞
丕靈承

靈承也多方曰不克靈承于旅又曰靈承于旅

君奭曰丕單稱德又曰丕承無

疆之恆多方曰罔丕惟進之恭又曰爾尚不忌于凶德

不語詞不忌忌也繻衣鄭注曰忌之言戒也言以凶德爲戒也傳解爲不自忌入於凶德失之

文侯之

命曰丕顯文武緇衣引甫刑曰播刑之不迪

不語詞不迪迪也故

古文尚書作播刑之迪鄭以不爲衍文失之

孟子滕文公引書曰丕顯哉文

王謨丕承哉武王烈

顯哉承哉贊美之詞丕則發聲也字通作丕詩清廟曰不顯不承傳

云顯於天矣見承於人矣則不為發聲可知箋乃云是

不光明文王之德與是不承顧文王志意與失其意矣

不顯丕承即不顯不承逸周書大匡曰二三子不尚助

不敷

下不字訓為弗上不字訓為不尚尚也

皇門曰丕承萬子孫祭

公曰公稱丕顯之德又曰我不則寅哉寅哉

孔注云不則言則也

芮良夫曰不其亂而詩袍有苦葉曰濟盈不濡軌

傳云

也由駟以下為軌又解雉鳴求其牡云達禮義不由其

道猶雉鳴而求其牡矣飛曰雌雄走曰牝牡箋云渡漢

水者必濡其軌言不濡者喻夫人犯禮而不自知雉鳴

反求其牡喻夫人所求非所求案軌車轄頭也去地三

尺有三寸濟盈無不濡軌之理不蓋語詞不濡濡也言

濟盈則濡軌此理之常也而違犯禮義者何反其常乎

牲猶雌也正義曰飛曰雌雄走曰牝牡此其定例耳若

敬則通故書曰化雞之晨傳曰獲其雄狐是也據此則

雌雄亦得稱化牡雉鳴求其牡者謂求其雄也言鳥獸

所求必於其耦何夫人之所求非其耦乎牡即雉之雄

者故曰其牲若屬之走獸傳云郭猶常棣曰郭不轉轉郭郭然言

外發也轉轉光明也則不字乃語詞郭不轉轉郭郭然言

之沃沃曰箋云承華者曰郭不當爲拊拊郭足郭足得

羣之光明則轉轉然威古聲不拊同案詩詠草木之華

皆直美其華之色無以郭足言之者且轉轉光明華色

則然郭足隱在華下安所見其轉轉哉郭亦知郭足不

得言轉轉乃爲之說云郭足得華之光明則轉轉然威

迂回而難通矣王肅述毛云不轉轉言轉轉也以與兄

弟能內陸外禦則強威而有光耀若常棣之華發也斯

言得車攻曰徒御不警大庖不盈傳云不警警也不盈

訓弗者不同不必增字以足之解爲豈不警何人斯曰

平豈不盈乎也箋謂反其言美之失其意矣何人斯曰

否難知也否語詞否難知難知也言其心孔艱不可測

詩我與否復桑扈曰不戢不難受福不那傳云戢聚也

難知也失之難疑也那多也不多多也則不爲語詞箋乃云不自戢

以先王之法不自難以也國之戒則其受福祿亦不多

也失苑柳曰有苑者柳不尚息焉箋云有苑然枝葉茂盛之柳行路之人豈

有不庶幾欲就之止息乎案不語詞不尚尚也是正言非反言故句末用焉字有苑者柳不尚

惕焉文王曰有周不顯帝命不時傳云有周周也不顯

為語詞猶有為語詞也箋乃云周之德之不顯乎夫之此不字與訓弗者不同不必增乎字以

足其又曰不顯亦世此不字亦語詞傳解世之不顯語

詞世之不顯世之顯也若作不顯乎解則與之字文義不相承矣以是明之又曰其靡不億

億耳箋以為不徒億失之趙岐孟子注億耳箋以為不徒億失之趙岐孟子注

明曰不顯其光傳曰然後可以顯其光輝則不為

曰不顯亦臨傳云以顯臨之則不為語詞箋乃云有賢

幽隱之處此皆誤以不為弗故說之多歧不語詞與他處訓為弗者不同也又案亦字語詞與亦

既見止亦汎其流之亦同非謂顯因臨不顯亦臨也例
以下句之無射亦係文王之不顯亦世而文義自明
又曰隸戎疾不殄烈假不瑕傳云大疾害人者不絕之
云厲假皆病也瑕已也大疾害人者不絕之而自絕爲
厲假之行者不已之而自已矣案不語詞不殄殄也不瑕
瑕也言大疾則絕矣厲假之病則已矣漢唐公房碑云
厲盡不遺去其輿賦斯德祐之效也然則病假當作厲
盡與遐同戎疾之絕厲盡之已皆鬼神任祐也不參
不瑕文義已足不必迂回其說而云不絕之而自絕不
己之而不問亦式不諫亦入傳云言性與天合也正義
自己也云毛以爲言文王之聖德
自生知無假學習不問人之道說亦自合於法不待
之諫諛亦自入於道案不語詞不問問世不諫諛也式
用也入納也言問善言則用之進諫則納之宣二年左
傳曰凍而不入則莫之繼也是納諫爲入也傳說失之
妄又云有仁美之行而不問達者亦用之助祭有孝節
之行而不能諫爭者亦得入其說尤疏亦字亦語詞豈
謂問問式不問亦式下武曰不逞有佐則不爲語詞
諫固入不諫亦入邪

生民曰上帝不寧不康

禮記

傳曰不寧寧也不康康也

不安之又不安徒以

禮記而無人道失之

卷阿曰矢詩不多

傳云不

民是不承

今本作萬民靡不承釋文靡不承一本靡作是案作是者是也箋云天下之民不承順之

乎言承順也不為靡字作解則一本為長不語詞不承也爾雅云是則也萬民是不承言萬民則承順之矣

不須加乎字

崧高曰不顯申伯

傳云不顯申伯顯矣申伯也則不為語詞正義

謂豈不光顯

韓奕曰不顯其光

與大明不顯其光同正義云可謂不顯其光之

有光榮

召旻曰維昔之富不如時維今之疾不如茲

人云不語詞不如時如是也

文云疾字或作疾說文疾貧病也廣雅疾貧也疾與富相對為交言昔也賢人會祿共富如是今也賢人失所

其貧如此也變貧言疾以與富為韻耳傳解維昔之富不如時云在者富仁賢今也富譏佞解維今之疾不如

茲云今則病賢也

明王蓋皆訓不
為弗失之矣
又曰池之竭矣不云自頻箋云池水之溢由外灌豈

今池竭人不云出外無益者與言由
之也案不語詞不云自頻云自頻也
泉之竭矣不云自

申中云又曰不裁我躬箋云是不裁王之躬乎清廟曰

不顯不承說見上維天之命口於乎不顯烈文曰不顯維

德不發聲義解為不執競曰不顯成康不顯成康於穆

詞皆在上傳解
為不顯乎失之
那曰亦不夷憚箋云亦不說憚乎言說

釋之
禮記射義曰幼壯孝弟耆耄好禮不從流俗脩

身以俟死者不在此位也不從之不訓為弗不任之不

為句云有此行不失之曰知錄謂幼
上當有非字以語急而省之尤非
又曰好學不倦好

禮不變旄期稱道不亂者不在此位也不倦不變不亂

在之不僖二十八羊左傳曰奉揚天子之丕顯休命丕為語詞

詞丕顯休命顯休命也方曰降顯休命于成湯宣四年曰若敖氏之鬼不其

餒而棄二十九年曰先君若有知也不尚取之正義引服虔云

不尚尚也尚當取女叔侯殺之昭三年曰昧且丕顯玉語詞丕顯顯也言昧且時即己光

明其德杜注訓丕為大失之晉語曰夫晉公子在此君之匹也君不

亦禮焉傳不亦也僖二十五年左傳君其禮焉文美與此同爾雅釋器曰不律謂

之筆律筆聲近而語轉不則發聲也釋邱曰夷上洒下不滌郭注曰不發聲孫炎

以為衍釋魚曰龜左倪不類右倪不若邢疏曰不發聲字失之周禮曲禮曰

龜屬北龜曰若屬是也案不為發聲故亦可省之而稱露稱若孟子公孫丑篇曰雖褐

寬博吾不憚焉不語詞不憚憚也言雖被褐之夫吾懼之趙注謂雖敵人被褐寬博一夫不當

輕驚懼
楚詞招菀曰被文服纖麗而不奇些
王注云不奇奇也猶

詩云不顯交王不顯顯也
東周策曰今君將施於大人

大人輕君施於小人小人無可以求又費財焉君必施

於今之窮士不必且爲大人者故能得欲矣
不必必也

應注曰不必猶不可失之
秦策曰楚國不尚全事
高注曰不尚尚也史記楚世家作吾

國尚可全明
皆發聲也其承上文者書禹貢曰三危旣

宅三苗不敘
不爲語詞
王乃承上之詞猶言三苗乃敘也諸家皆誤訓不爲大下倣此
盤庚曰王

播告之修不匿厥指
此不字訓爲弗下不生同
王用丕欽罔有逸

言民用丕變又曰女克黜乃心施實德于民至于婚友

丕乃敢大言女有積德
丕乃敢言於是也傳解爲大乃敢言則文不成義
又曰

女萬民乃不生，生暨予一人，猷同心先后，丕降與女罪。

疾，猶言乃降與女罪疾。

又曰：茲予有亂政，同位具乃具玉，乃祖乃

父，丕乃告我高后，又曰：迪高后，丕乃崇降弗祥，康誥曰：

至于旬時，丕蔽要囚。

小司寇曰：至于旬，乃蔽之，文姜正同。

又曰：無作怨，勿

用非謀，非彝蔽時，忱丕則敏德。

丕則猶言於是也，既斯行是誠信之道，於是也。

行德敏也，傳解為大法敏德失之。

梓材，曰：后式典，集庶邦，丕享。言言能

邦於是庶邦來享也。

召誥曰：厥既命殷庶，庶殷丕作。

言既命庶殷庶殷乃作也。

無逸曰：乃逸乃諂，既誕，否則侮厥父母。

漢石經：否則猶於是也。

言既已妄誕，於是輕侮其父母也，傳謂已欺誕，父母不欺，則輕侮其父母，文義難通。

又曰：今日耽

樂，乃非民攸訓，非天攸若，時人丕則有愆。

言是人於是

有過也，傳謂

是人則大有過既誤訓又曰乃變亂先王之正刑至于

夫又亂其字之先後矣

小夫民否則厥心違怨否則厥口詛祝

言民於是厥心違怨於是厥口

詛祝也

立政曰我其立政立事準人牧夫我其克灼知厥

若丕乃俾亂

言既灼知厥若於是使治之也下文茲乃俾久文義正同

逸周書祭公

曰天之所錫武王時疆土丕維周之基丕維后稷之受命是永宅之維我後嗣勗建宗子丕維周之始并鳥呼

天子三公監于夏之既敗丕則無遺後難

言於是無遺後難也

于萬億年守序終之既畢丕乃有利宗

言於是有利宗也

丕維

文王由之皆承上之詞也凡此皆古人屬詞之常例後世解經者但知不之訓弗否之訓丕之訓大而不知

其又爲語詞於是強爲注釋而經文多不可通矣三危
既宅三苗丕敘厥旣命殷庶庶殷丕作旣誕否則侮厥
父母皆先言旣而後言不其爲承上之詞顯然明白而
史記夏本紀乃云三苗大敘則知三代語言漢人猶難
徧識願學者比物醜類以求之

不亦非也呂刑曰何擇非人何敬非刑何度非及墨子

尚賢篇引作女何擇否人

今本石誤作言蓋篆書否字作否言字作啻二形相似誤

書否字或作否言字或作

何敬不刑何度不及尚同篇

曰先王之書相年之道曰夫建國設都乃作后王君公
否用泰也輕大夫師長否用伏也維辯使治天均則此

語古者上帝鬼神之建設國都立正長也非高其爵厚
其祿富貴游佚而錯之也將以爲萬民興利除害富貴
貧寡安危治亂也是不也否也皆非也故非敢謂之不
敢士相見禮主人對曰某不敢爲儀今文不爲非是也
苟非謂之苟不中庸曰苟不至德至道不凝焉正義曰
不非也
又曰苟不固聰明聖知達天德者其孰能知之是也豈
非謂之豈不莊子讓王篇先生不受豈不命耶苟子君
道篇是豈不必得之之道也哉是也不與非同義故有
時互用大戴禮王言篇畢弋田獵之得不以盈宮室也
徵斂於百姓非以充府庫也墨子非命篇上之所賞命

固且賞非賢故賞也上之所罰命固且罰不暴故罰也
不亦非也

不召無也堯典曰否德忝帝位言無德也傳曰不不也
不亦無也

王風君子于役曰不日不月言無一定之日月序所謂

行役無期度也周官大司馬曰若師不功則厭而奉主

車言師無功也與上若師有
功相對為交大學曰其本亂而未治者

否矣言事所必無也下文其所厚者薄而其所薄者
厚未之有也與此文異而義同莊

十四年左傳曰人無嫌巧妖不自作自由也言妖無由

作也正義曰妖孽不
能自作失之晉語曰不本而犯言無本也無本
謂言

不本於兒兒不本於情即上文所謂中不濟而外強
之外內類而言反之也韋注謂行不本仁義失之
論

語先進篇曰人不閉於其父母昆弟之言言人無有非

其父母昆弟之言也

說見經義述聞

故洪範無偏無黨無黨無

偏史記張釋之馮唐傳贊引作不偏不黨不黨不偏呂
刑鮮寡無蓋墨子尚賢篇引作鮮寡不蓋秦策一戰不
勝而無齊韓子初見秦篇作不齊

不母也勿也大雅板曰無敢戲豫無敢馳驅昭三十二
牟左傳引作不敢戲豫不敢馳驅無與母迺不亦母也
召誥曰王不敢後用顧畏于民艱言王顧畏民艱母敢
或後也孟子滕文公篇我且往見夷子不來言我將往
見夷子夷子勿來也

非

玉篇曰非不是也常語

版度漢書蕭望之傳注曰非不也書般庚曰肆予冲人非廢厥謀言不廢厥謀也又曰各非敢違卜某氏傳曰君臣用謀不敢違卜也大戴禮記係傳篇人性非甚相遠也漢書賈誼傳非作不

匪

詩木瓜傳曰匪非也常語

匪不也詩殷武曰稼穡匪解言不懈也車輦曰匪飢匪渴箋曰雖飢不飢雖渴不渴周語引頌曰莫匪爾極韋

注曰匪不也無不於女時得其中也

廣雅曰匪彼也家大人曰詩小旻曰如匪行邁謀是用
不得于道襄八年左傳引此詩杜注曰匪彼也如匪行

邁謀是用不得于道猶下文言如彼築室于道謀是用

不潰于成亦猶雨無正曰如彼行邁也箋曰匪非也不

失又定之方中曰匪直也人傳曰匪徒庸君訓匪直爲

秉心塞淵言彼正直之人秉心塞淵也匪風曰匪風發

兮匪車偈兮言彼風之動發發然彼車之驅偈偈然也

傳曰發發飄風非有道之風偈偈疾驅非有道之車漢

書王吉傳吉引詩說曰是非古之風也發發者是非古
之車也偈偈都人士曰匪伊垂之帶則有餘匪伊卷之
者皆失之

髮則有旃言彼帶之垂則有餘彼髮之卷則有旃猶上文
文言彼都人士垂帶而厲彼君子女卷髮如蠶也箋曰言士
非故垂此帶也帶於禮自當有餘也女非
故卷此髮也髮於禮自當有旃也失之
非故多不安

無母 亡 忘 妄

無母勿也常語

孟康注漢書貨殖傳曰無發聲助也字或作毋詩文王
曰無念爾祖傳曰無念念也抑曰無競維人執競曰無
競維烈傳竝曰無競競也箋解抑篇曰無疆於得賢人
也解執競及武篇曰無疆乎其克解烈文曰無疆乎維得賢人
商之功業皆誤以爲有無之無 隱十一年左傳無寧

茲許公復奉其社稷襄二十四年無寧使人謂子子實
生我杜注竝口無寧寧也襄二十九年且先君而有知
也母寧夫人而焉用老臣服虔注曰母寧寧也寧自取
夫人將焉用老臣乎魯語曰彼無亦置其同類韋注曰
無亦亦也周語曰無亦擇其柔嘉無亦亦也韋注曰無亦不亦也失之下晉
同語又曰王無亦鑒于黎苗之王晉語曰公子無亦晉之
柔嘉是以甘食楚語曰女無亦謂我老耄而舍我而又
誦我無亦亦也舍謂不諫戒也言我老矣女亦謂我老而舍我可也奈何又誦我邪是自謂其老不欲人之見而諫戒之也故左史曰唯子老耄故欲見以交傲
子又引衛武公之言曰無謂我老耄而舍我辯見經義
述成二年左傳曰無亦唯是一矢以相加遺襄二十四

年曰無亦是務乎昭二十三年曰無亦鑒乎若敖蚡冒

至于武文竝同是無爲發聲也又書微子曰今爾無指

告子顛隳若之何其某氏傳曰汝無指意告我殷邦顛

指告當爲一句無發聲無指告也指讀曰底底致

也我殷將顛墜若何而可今爾其致告我以救之道乎

知無爲發聲指告爲底告故文義詩小旻曰如彼泉流

無淪胥以敗抑曰如彼泉流無淪胥以無發聲無淪

以敗也言周德日衰如泉水之流滔滔不返無論智愚

賢否將相率而底於敗也無淪胥以淪胥以也

言皇天弗尚禍亂口生如泉水之流滔滔不返周之君

臣將相率而底於敗也雨無正曰若此無罪淪胥以

鋪語意正相近箋解小旻則曰無相率爲戩以自渴

敗解抑篇則曰無自率行爲惡皆與之以也俱誤以無

為戒 禮記祭義曰天之所生地之所養無人為大

人為大也人戴禮記曰子大孝為天之所生地之所養

人為大矣則無為發聲可知正義曰天地生養萬物之

中無如人最 昭二十六年左傳曰我無所監夏后及商

杜注曰言追監夏商 管子立政九敗解篇曰人君唯母

之亡是無為發聲 則羣臣賓客莫敢言兵人君唯

聽寢兵也母發聲毋聽也 則羣臣賓客莫敢言兵人君唯

母聽兼愛之說則視天下之民如其民視國如吾國人

君唯無好全生則羣臣皆全其生而生又養又與人君

唯無聽私議自貴則民退靜隱伏窟穴就山非世間上

輕爵祿而賤有司人君唯無好金玉貨財必欲得其所

好則必易之以大官尊位尊爵重祿人君唯毋聽羣徒

比周則羣臣朋黨蔽美揚惡人君唯母聽觀樂玩好則
敗人君唯母聽請謁任譽則羣臣皆相爲諂人君唯無
聽諂諛飾過之言則敗墨子尚賢篇曰古者聖王唯母
得賢人而使之般爵以貴之裂地以封之終身不厭賢
人唯母得明君而事之竭四肢之力以任君之事終身
不倦又曰今唯母以尚賢爲政其國家百姓使國之爲
善者勸爲暴者沮又曰然昔吾所以貴堯舜禹湯文武
之道者何故以哉以其唯母臨眾發政而治民使天下
之爲善者可而勸也爲暴者可而沮也

母發聲母得得也母以以也母

臨眾發政臨眾發政也下尚同篇之母立母以非攻篇
之母興起母廢一時節川篇之母興師節葬篇之母法

無以天志篇之母明非樂篇之母造爲
母處母爲樂母在乎竝同詳讀書雜誌以上皆發聲

無轉語詞也字或作亾或作忘或作妄或言亾其或言

意亾或言亾意亦或言將妄其義一也墨子非攻篇曰

爲其上中天之利而中中鬼之利而下中人之利故譽

之與意亾非爲其上中天之利而中中鬼之利而下中

人之利故譽之與意與扣同亾與無同皆詞也漢書貨
殖傳寧爵無才孟康注曰奴自謂寧

欲免去作民有爵邪無將止
爲刁氏作奴乎文義與此同非命篇曰不識昔也三代

之聖善人與意亾昔三代之暴不肖人與莊子外物篇

曰扣因窶邪亾其略弗及邪郭象注曰略無弗及之事
也既誤以爲有無之無又

副其
次矣呂氏春秋審爲篇曰君將攫之乎亾其不與愛類

篇曰必得宋乃攻之乎。其不得宋且不義，猶攻之乎。

淮南脩務篇作忘

秦策曰：意者臣愚而不聞於王心邪？亡其言

臣者將賤而不足聽邪？

今本亡，譌作已。錢本曾本並作亡，與史記范雎傳合。索隱曰：亡

猶輕蔑也。失之。

趙策曰：不識三國之憎秦而愛懷邪？忘其憎懷

而愛秦邪？

亡，與

又曰：秦之攻趙也倦而歸乎？亡其力尚

能進愛王而不攻乎？

亡，其今本依史記虞卿傳改作王。以其錢本劉本並作亡，其與新序

善謀韓策曰：聽子之謁而廢子之道乎？又亡其行子之

術而廢子之謁乎？

又字後人所加。韓子外儲說篇無又字。

史記魯仲連傳

亡意亦捐燕弃世，東游於齊乎？

亡，意亦皆詞也。意亦者抑亦也。索隱斷亡意爲

句注曰：無還燕意，失之。

越語曰：道固然乎？妄其欺不穀邪？妄與亡同。當讀

寧得無刁之無鄭注
儒行曰妄之言無也莊子庚桑楚篇曰是其於辯也將

妄鑿垣墻而殖蓬蒿也

將妄與將無同也與邪同郭象注將令後世妄行穿鑿而殖穢

亂也

失之新序雜事篇曰先生老僭與妄為楚國妖與

楚策作先

生老等乎將以為楚國妖祥乎則妄為語助

以上皆轉語詞

無猶得無也士衷禮筮宅辭曰哀子某為其父某甫筮宅度茲幽宅兆基無有後艱鄭注曰得無後將有艱難乎又卜葬日辭曰哀子某來日卜葬其父某甫考降無有近悔鄭注曰得無近於咎悔者乎

無乃猶得無也

宣十二年公羊傳注

周語曰其無乃廢先王之訓

而王幾頓乎隱三年左傳曰無乃不可乎

無寧猶無乃也。家大人曰：昭二十二年左傳曰：無寧以

爲宗。羞言宋若自誅。率氏無乃以爲宗族之羞。不如使

楚戮之也。

杜注曰：無寧寧也。失之。寧訓爲乃。見寧字條下。

無不也。

薛綜東京賦注曰：無猶不也。

書洪範：無偏無黨。墨子兼愛篇。

漢書谷永傳注：竝引作不偏不黨。呂刑：鰥寡無蓋。墨子

尚賢篇引作鰥寡不蓋。論語：學而篇：倉無求飽。居無求

安。漢書谷永傳引作居不求安。倉不求飽。老子下篇：聖

人不積。魏策引作聖人無積。詩：皇矣不大聲。以色不長。

夏以革。墨子天志篇引作母大聲。以色。母長。夏以革。母。

與無通。禮記月令：五穀無實。呂氏春秋孟秋紀作五穀。

不賓三年問無易之道也。鄭注曰：無易猶不易也。荀子禮論篇作不易之術。又至外不窮夫焉能相與羣居而不亂乎。荀子作無窮無亂。郊特牲曰：昆蟲毋作言不作也。大傳曰：可無慎乎。言不慎也。文十二年左傳曰：國無陋矣。言不陋也。成二年曰：無顧上宜。言不顧土宜也。論語雜也篇毋以與爾鄰里鄉黨乎。毋與無同。言九百之粟爾雖不欲然可分於鄰里鄉黨爾不以與之乎。言當與之也。

孔注讀毋字絕句云祿法所當受無以讓也失之。

無否也。襄九年左傳曰：穆姜始往東宮而筮之。史曰：君必速出。姜曰：亡。

杜注曰：亡猶無也。案亡與無同。猶否也。

莊子大宗師篇曰：

子禮曰女惡之乎曰亾予何惡至樂篇曰支離叔曰子惡之乎滑介叔曰亾予何惡達生篇曰請問蹈水有道乎曰亾吾無道亾與無同言否也

無非也禮記禮器曰苟無忠信之人則禮不虛道

易繫辭傳

曰苟非其人道不虛行文義與此同言非忠信之人則禮不虛行也管子

形勢解曰無德厚以安之無度數以治之則國非其國而民無其民言國非其國而民非其民也

無未也荀子正名篇志輕理而不重物者無之有也外重物而不內愛者無之有也行離理而不外危者無之有也外危而不內恐者無之有也言未之有也

罔

罔無也常語

罔猶不也書盤庚曰罔罪爾眾某氏傳曰今我不罪女
微子曰乃罔畏畏傳曰上不畏天災下不畏賢人是也
又盤庚曰罔知天之斷命言不知天將斷絕女命也詩
抑曰罔敷求先王克共明刑言女不克廣索先王之明
刑而執守之也

箋曰無廣索先王之道與
能執法度之人乎夫之

罔猶得無也家大人曰楚辭九章曰欲高飛而遠集兮
君罔謂女何之洪興祖補注曰言欲高飛遠集去君而
不佳得無謂女遠去欲何所適也

王注以爲
誣罔失之

微

微無也詩式微曰微君之故周語曰微我晉不職矣毛
傳韋注竝曰微無也宣十二年公羊傳曰君之不令臣
交易爲言是以使寡人得見君之玉面而微至乎此微
無也此謂上文錫之不毛之地也言寡人得見君而徒
以君之不令臣爲惡言激怒使然耳而其實貳而伐之
服而舍之無或至於滅國遷君若此之甚也何注曰微
除小也積
小言語以致於此失
之說見經義述聞

微非也詩柏舟曰微我無酒箋曰非我無酒禮記檀弓
曰雖微晉而已注曰微非也

勿

勿無也莫也常語

廣雅曰勿非也詩靈臺曰經始勿亟箋曰度始靈臺之
基趾非有急成之意

勿語助也詩節南山曰弗問弗仕勿罔君子勿罔罔也

言弗問而察之則下民欺罔其上矣傳曰勿罔上行也則與弗問弗仕

之文不相承箋曰勿當作未不問而察之則下民未罔其上矣亦未妄 僖十五年左傳曰

史蘇是占勿從何益勿從從也言雖從史蘇之言亦無

益也杜注曰雖復不從史蘇不能益禍失之 與他處訓無者不同

夫

夫猶乎也歎辭也

趙岐注孟子告子篇曰夫歎辭也

在句末者易繫辭

傳曰古之聰明睿知神武而不殺者夫禮記檀弓曰爾責於人終無已夫三年之喪亦已久矣夫是也在句中者檀弓曰仁夫公子重耳論語子罕篇曰逝者如斯夫不舍晝夜是也

夫指事之辭也禮記檀弓曰子惡夫涕之無從也禮運曰是故夫禮倍二十四年左傳曰夫祛猶柝宣二年曰公嘯夫葵賈周語曰然則夫支之所道者必盡知天地之爲也是也

夫猶彼也禮記三年問曰夫焉能相與羣居而不亂乎

荀子禮論篇夫作彼襄二十六年左傳曰夫獨無族如
乎楚語作彼有公族甥舅齊語曰夫爲其君勤也管子
小匡篇夫作彼哀二十五年左傳曰彼好專利而矣夫
見君之入也將先道焉夫亦彼也漢書賈誼傳曰彼且
爲我死故吾得與之俱生彼且爲我亡故吾得與之俱
存夫將爲我危故吾得與之皆安顏注曰夫猶彼人耳
是也又大戴禮衛將軍文字篇孔子稱澹臺滅明之行
曰獨貴獨富君子恥之夫也中之矣禮記檀弓曰夫由
賜也見我夫猶彼也皇侃曰夫謂丈夫失之文十三年左傳曰請東人
之能與夫二三有司言者十四年曰齊公子元不順懿

公之爲政也終不曰公曰夫己氏宣二年曰夫其口眾
曰寡襄二十六年曰夫不惡女乎三十一年曰使夫往
而學焉夫亦愈知治矣昭七年曰君以夫公孫段爲
能行其事十六年曰我皆有禮夫猶鄙我晉語曰夫無
乃以國故而行疆於君又曰夫豈惠其民而不惠於其
父乎又曰今夫以君爲紂鄭語曰夫其子孫必光啟土
楚語曰夫其有故又曰夫先自敗也已勇能敗人又曰
余善之夫乃其寧莊三十二年公羊傳曰夫何敢是將
爲亂乎夫何敢荀子解蔽篇曰不以夫一害此一夫皆
彼也

夫猶此也禮記檀弓曰夫夫也爲習於禮者鄭注曰夫

夫猶言此丈夫也

夫夫猶是夫也檀弓曰是夫也多言

又曰從母之夫舅

之妻夫二人相爲服

今本夫二人譌作二人辨見經義述聞

注曰夫二人

猶言此二人也祭義曰忌日不用非不祥也言夫日志

有所至而不敢盡其私也注曰親以此日亡其哀心如

喪時昭十六年左傳曰且夫易不可以占險杜注曰夫

易猶此易是也又僖三十年左傳曰微夫人之力不及

此成十六年曰夫二人者魯國社稷之臣也襄二十六

年曰君淹恤在外十二年矣而無憂色亦無寬言猶夫

人也

言猶然如此之人也

魯語曰鼈於何有而使夫人怒也晉語

曰且夫戰也微卻至王必不免又曰夫二子之德其可
忘乎昭二十五年公羊傳曰有夫不祥論語先進篇曰
夫人不言言必有中孟子公孫丑篇曰夫士也亦無王
命而私受之於子夫皆此也

夫猶凡也眾也孝經疏引劉瓛曰夫猶凡也高誘淮南

本經篇注曰夫人眾人也書召誥曰夫知係抱摠持厥

婦子正義曰夫猶人人言天下盡然也顧命曰思夫人自亂於威儀義

日夫人眾國各自治正於威儀考工記曰夫人而能為罍也夫人猶眾人也鄭注

以夫為丈夫失之禮記祭統曰上有大澤則民夫人待於下流

襄八年左傳曰夫人愁痛杜注曰夫人猶人也二十七年曰且

吾因未以守

句

病則夫能致夙昭七年日紂爲天下通

逃主萃淵藪故夫致夙

注曰人欲致夙討紂

哀十六年日民知

不外其亦夫有奮心周語日夫人奉利而歸諸上

注曰夫

人猶人

楚語日夫人作享家爲巫史皆是也

夫發聲也周官司烜氏日掌以夫遂取明火於日鄭司

農日夫發聲也禮記少儀日加夫撓與劔焉鄭注日夫

或爲煩皆發聲

經傳釋詞第十